

BOSNA I HERCEGOVINA
FEDERACIJA BOSNE I HERCEGOVINE
VLADA

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ВЛАДА

Broj: 03-02-389/2023
Sarajevo, 02.06.2023. godine

PARLAMENT FEDERACIJE
BOSNE I HERCEGOVINE

Dom naroda
gosp. Tomislav Martinović, predsjedavajući 

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljenio:	02-06-2023		
Org. jed.	Br. red.	Priloga	Vrijednost
02-	02 -	1207	/23

B

PREDMET: Veza Vaš akt broj: 02-02-1207/23 od 30.03.2023. godine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa odredbama člana 172. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03, 21/09 i 24/20), u prilogu Vam dostavljam Mišljenje o Prijedlogu zakona o dopuni Krivičnog zakona Federacije Bosne i Hercegovine – skraćeni postupak, kojeg je podnijela Belma Kapo, delegatkinja u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 4. sjednici, održanoj 01.06.2023. godine.

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



Prilog: kao u tekstu na bosanskom jeziku

Co: Federalno ministarstvo pravde
gosp. Vedran Škobić, ministar

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa odredbama člana 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o dopuni Krivičnog zakona Federacije Bosne i Hercegovine – skraćeni postupak, kojeg je podnijela Belma Kapo, delegatkinja u Domu naroda Parlamenta Federacije BiH, Vlada Federacije Bosne i Hercegovine je, na 4. sjednici održanoj 01.06.2023. godine, utvrdila

M I Š L J E N J E

U vezi sa dostavljenim Prijedlogom zakona o dopuni Krivičnog zakona Federacije Bosne i Hercegovine, kojeg je po skraćenom postupku, podnijela Belma Kapo, delegatkinja u Domu naroda Parlamenta Federacije Bosne i Hercegovine, Vlada Federacije Bosne i Hercegovine ističe sljedeće:

Nacrt zakona o izmjenama i dopunama Krivičnog zakona Federacije Bosne i Hercegovine prihvaćen je u prvom čitanju, kako u Predstavničkom domu, tako i u Domu naroda Parlamenta Federacije Bosne i Hercegovine. Članom 49. Nacrta usvojenog u dosadašnjoj, redovnoj, legislativnoj proceduri predviđena je i dopuna Krivičnog zakona Federacije Bosne i Hercegovine („Službene novine Federacije BiH“, br. 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17) temeljem koje je prinuda prema zdravstvenom radniku propisana kao posebno krivično djelo:

Član 49.

Iza člana 359a. dodaje se novi član 359b. koji glasi:

„359b.

(Prinuda prema zdravstvenom radniku)

- (1) Ko doktora medicine, doktora stomatologije ili drugog zdravstvenog radnika koji zdravstvenu djelatnost obavlja kao javnu službu silom ili prijetnjom da će izravno upotrijebiti silu sprijeći u obavljanju njegove zdravstvene djelatnosti ili ga prisili na izvršenje postupka ili intervencije koji nisu u skladu s pravilima medicinske struke ili etike, kaznit će se kaznom zatvora od tri mjeseca do tri godine.
- (2) Ako je krivičnim djelom iz stava (1) ovog člana doveden u opasnost život ili tijelo doktora medicine, doktora stomatologije ili drugog zdravstvenog radnika ili mu je nanesena tjelesna ozljeda ili je upotrijebljeno oružje ili opasno oruđe, učinitelj će se kazniti kaznom zatvora od šest mjeseci do pet godina.
- (3) Ako je učinitelj krivičnog djela iz st. (1) i (2) ovog člana bio izazvan protuzakonitim ili grubim ponašanjem doktora medicine, doktora stomatologije ili drugog zdravstvenog radnika može se oslobođiti od kazne.“

Imajući u vidu da se Nacrt zakona već nalazi u parlamentarnoj proceduri, Vlada Federacije Bosne i Hercegovine mišljenja je da razmatranje Prijedloga zakona o dopuni Krivičnog zakona Federacije Bosne i Hercegovine po skraćenom postupku, u obimu kako je to predloženo inicijativom delegatkinje Belme Kapo, ne bi bilo svrshishodno.

V. broj: 719/2023
01.06.2023. godine
Sarajevo

